



KEMENTERIAN SUMBER ASLI, ALAM SEKITAR
DAN PERUBAHAN IKLIM

SIARAN MEDIA

HUBUNGAN BAIK NRECC DENGAN PENGAMAL MEDIA TERUS DIPERKUKUH

Hubungan baik antara Kementerian Sumber Asli, Alam Sekitar dan Perubahan Iklim (NRECC) dengan pengamal-pengamal media perlu terus diperkukuh supaya maklumat mengenai inisiatif Kementerian dapat disebar dengan betul dan tepat, sekali gus difahami oleh rakyat.

Menteri Sumber Asli, Alam Sekitar dan Perubahan Iklim, YB Nik Nazmi Nik Ahmad berkata, media memainkan peranan penting dalam menyebarkan maklumat kepada masyarakat.

“Program hari ini bukan sahaja membawa keseronokan, malah memberi peluang kepada kita untuk menyampaikan mesej penting mengenai aspirasi Kerajaan dalam melindungi alam sekitar, sumber asli, dan inisiatif-inisiatif lain di bawah bidang kuasa Kementerian demi membangunkan negara ini,” katanya sewaktu berucap ketika merasmikan program *Treasure Hunt* NRECC bersama Media hari ini.

Hadir sama, Timbalan Menteri Dato’ Sri Huang Tiong Sii, Timbalan Ketua Setiausaha (Sumber Asli) Abdul Wahid Abu Salim, dan ketua-ketua Pengarah Jabatan serta agensi di bawah NRECC.

Penganjuran program libat urus dengan media berupa *edumentertainment* ini merupakan inisiatif Kementerian bagi meraikan dan mengiktiraf kerjasama dan sumbangan pihak media yang selama ini telah banyak membantu dalam liputan dan publisiti mengenai inisiatif Kementerian.

“Saya menzahirkan rasa bangga dan berterima kasih atas segala kerjasama pihak media selama ini sekali gus berharap agar hubungan baik dan erat ini akan berkekalan dan terus dipertingkat memandangkan Kementerian amat menghargai segala publisiti yang telah diberikan secara langsung dan tidak langsung oleh pihak media,” katanya lagi.

Ujarnya, adalah menjadi harapan agar hubungan baik yang telah terbina dan terjalin itu dapat kekal berpanjangan selaras dengan mendukung aspirasi Ekonomi MADANI dalam sektor pertumbuhan hijau demi ketahanan iklim dan memastikan rakyat menikmati akses yang universal dari segi infrastruktur asas bekalan air dan elektrik.

**KEMENTERIAN SUMBER ASLI, ALAM SEKITAR DAN PERUBAHAN IKLIM
(NRECC)**

19 OGOS 2023

Unit Komunikasi Korporat | Kementerian Sumber Asli, Alam Sekitar dan Perubahan Iklim (NRECC)
Tel. : 03-8000 8000 | Faks : 03-8889 4763



nreccmalaysia



nreccmalaysia



nreccmalaysia



nreccmalaysia